

Deo optimo maximo uni & trino, Virgini Deiparæ, & sancto Lucæ orthodoxorum Medicorum Patrono.

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis decimâ octavâ Novembris, 1706.

M. CLAUDIO DU CERF, Doctore Medico, Præsidente.

An Bilis agendi præcipua facultas ab amaro?

QUEM habent usum in machinis hydraulicis aqua, & in pneumaticis aër, eundem in corpore humano spiritus & humores obtinent. Hi varii sunt variæque indolis, omnes in sanguine permixti & confusi ab eo perenniter fecernuntur & effluunt in propria vasa, in ipsa (modò sint utiles) refluxuri; ut succus pancreaticus, bilis, lympa: nusquam redituri, si prorsus excrementitii fuerint, qualis urina varique succi per arterias mesentericas ad intestina delati, una cum chyli fecce per anum excernendi. In humorum utilium exquisita permixtione & æquabili ad se invicem proportionem, quam ne conjecturis quidem assequi possibile est, laudabilis temperies consistit; hanc consequuntur caloris & frigoris, humiditatis & siccitatis contemperatio. Cum ab ejusmodi exactâ mixtione & legitimâ proportionem recedunt, fit intemperies, undè caloris aut frigoris, humiditatis aut siccitatis molestus excessus. Præpostèrè philoſophantur, qui rem secus accipiunt. Non à calore aut frigore, humiditate aut siccitate humoribus inest insignis facultas; præcipua vis debetur saporibus.

SAPORUM nomine hîc linguæ sensus ne intellexeris, sed causas à quibus motu nervorum linguæ excitantur. Hæ salia sunt in humore fusa, vel oris salivâ dissoluta. Tot salia, tot saporès. Simplicia sunt vel composita. Simplicia duo tantùm; alterum acidum, æg Hippocrati, alterum, alkali vocant. Acida salia non sunt unius generis & indolis, omnia cum oppositis effervescent, non secum invicem, excepto spiritu salis, qui cum aliis Acidis ebullit. Sal pariter alterum non uniusmodi est, aliud fixum, aliud volatile. Omnia vires acidorum infringunt, ut & ab ipsis infringuntur. Ab eorum secum invicem, & cum principiis passivis, terrâ scilicet & aquâ, variâ mixturâ varii saporès, in quorum aliis acidum dominatur: ut in salso, austero, acerbis, in aliis alterum ipsi oppositum, ut in acris & amaro. In Mineralibus, Plantis, Animalibus generatio, corruptio, alteratio, mutationes ferè deniquè omnes horum salium ministerio, dum permiscuntur aut fecernuntur, effervescent vel concrecent, aculeis pungunt vel demulcent levitate, perficiuntur.

PUTIDUM liquamen, quod in alvi fluxu vel purgantium medicamentorum vi excernitur, bilis nomine malè insignitur. Hæc liquor est pretiosus in propriis conceptaculis ad suos usus coacervatus, naturâ suâ constanter amarus. Ex chylo primùm unâ cum aliis succis sanguinem constituentibus in corde gignitur. Ad hepatis arteriarum ramulos à celiacâ productos advehitur, & in eo à sanguine, cui huc usque permixta fuerat, fecernitur. Hoc viscus quamvis ad sensum integrum glandula est conglomerata, plurimis constans lobulis tenui membranâ involutis & à se invicem distinctis. Unusquisque lobulus ex pluribus compositus canalis bilarii excutitur, indeque in canalem ab hepatis substantiâ ad vesiculam folliculûve bilis obscurior viâ. Quomintus à canali in vesiculam fluat, obstant valvule ejus cervici citrà meatûs cholidochi hiatum appositæ. Bilis vesiculæ tenuior est, canalis crassior, utraque communi ductu in jejunum intestinum delabitur.

BILIS amaro à plurimo sale volatili, paucis acidis, terrâ, & aquâ, certâ proportionem permixtis produciuntur. Sal volatile dignoscitur, tum ex ejus analysi per ignem factâ, tum ex permixtione cum spiritibus acidis, quibus etiam extrâ corpus effervescit. Paucum saltem acidum demonstrat salis volatilis permanens, quod nusquam solum subsisteret, sed promptissimè in auras evanesceret. Istius acidi exuperantiâ bilis concreta, undè lapidum in vesiculâ fellis origo. Si minori fuerit copiâ quàm par est, bilis fit acrior & subtilior. Ad intestinum delata chyloque & succo pancreatico permixta pro variâ suâ indole effervescit parit laudabilem vel molestant, quam vitæ commoda vel incommoda sequuntur. Hæc effervescentiâ, chyli faeces præcipientes aguntur in intestina crassa. Ulteriùs cum chylo ad cor promota bilis iterùm effervescit in ejus ventriculis, atque pro amari sui salis naturâ varios producit effectus; hos inter notissimus calor, qui juxta fermentationis modum naturalis est vel contrâ naturam.

CALOR & frigus in corpore qualitates sunt omnium minimè potentes; præcipuè viribus magis insignes sunt acidum, amarum, salsum, austrium, acerbum, quorum unumquodque homini inest. Quandiù hæc temperata sunt inter se, neque conspicua sunt, neque hominem lædunt. Ubi horum aliquid secretum fuerit, atque ipsum in seipso fuerit, tunc conspicuum est, & hominem lædit. Ex cibis quicumque ingestis incommodi sunt, horum unusquisque amarus est, aut salsum, aut acidus, aut acer, aut acerbis, aut quâcumque simili ratione intemperatus ac fortis. His saporibus in excessu positus salibusve nocent, non calore aut frigore quæ actu non insunt, sed salium motum consequuntur. Falluntur qui propter calidum, hominem febricitare putant; rectè judicant qui propter amarum, acidum, salsum, acre. Bilis extrâ naturæ suæ cancellos posita calore suo non lædit, sed amarore qui ubi per corpus diffusus est, statim & anxietates, & æstus, & impotentia occupant. Ubi acrior & arginosa bilis facta est, statim morsus viscerum & pectoris, rabies & desperatio.

Ergo Bilis agendi præcipua facultas ab amaro.

DOMINI DOCTORES DISPUTATURI.

M. Joannes Herment, Medicus utriusque Aule Equestris Regis ordinarius.

M. Stephano-Franciscus Geoffroy, Regiæ Scientiarum Academiæ Parisiensis & Londinensis Socius.

M. Franciscus Aignan.

M. Jacobus Fourneau.

M. Ludovicus-Franciscus du Tal.

M. Michaël-Ludovicus Reneaume de la Garenne, à Regiâ Scientiarum Academiâ.

M. Joannes Robert.

M. Ludovicus Gayan, Medicus Regiæ ordin. veteranus.

M. Franciscus Vèron.

Proponebat Parisiis FRANCISCUS OLIVARIUS DE CUVILLE, Parisinus, Baccalaureus Medicus. A. R. S. H. 1706.